

Cxxvii

(...)

Testament, Vialare,

Au nom de dieu soit l an mil

.....

**six cens soixante huit & le dix neufiesme**  
jour du mois de **septembre** avant midy  
regnant nostre souverain et( )tres chrestien  
prince louis quatorse du nom par la grace  
de dieu roy de france et de navarre  
**dans la maison de la testatrix** sy apres  
nommee scize **dans l enclos de villemur**  
**rue de castelpailhas** au diocese bas  
montauban et seneschaucee de tholose  
establise en personne **jeanne vialare**  
**vefve de pierre delmas marinier** dud(it)  
villemur laquelle gisant dans un  
lict a la chambre de lad(ite) maison respondant  
sur un petit carrerron du coste du dernier  
de lad(ite) maison dettenue de certaine maladie  
corporelle toutesfois dieu graces bien  
voyant et oyant parlant et estant en ses  
bons sens jugemant memoire et cognoissance  
considerant n( )y avoir rien de plus certain  
qué la mort ny de plus incertain que  
l heure non induitte ny subornee de  
personne de son bon gré a faict et  
ordonné son trestament nuncupatif  
en la forme suivante en premier lieu

.....

Cxxviii.

a faict le signe de la croix sur sa personne  
recommandé son ame a diéu pere filz et  
sainct sperit et supplié icelluy de bon coeur  
luy pardonner toutes ses fautes et peches  
& vouloir colloquer son ame en son  
paradis celeste pour l( )amour de( )son  
tres cher et bien ayme filz nostre seigneur  
jesus christ et par l intercession de  
la glorieuse vierge marie saintz et  
saintes de paradis a volleu et ordonné  
veut et ordonne la testatrix apres que  
son ame sera separee de son corpz  
qu icelluy soit ensepvelly au **simittiere**  
**sainct jean** dudict villemur selon l( )ordre  
observé en la relligion catholique et

apostolique romaine dont elle faict  
profession remettant ses honneurs  
funebres a la discretion de sa filhe et  
heretiere sy apres nommee item a  
donné et legué donne et legue ladite  
testatrix a **jeanne gourmanelle sa petite  
filhe et filhe de jean gourmanel du lieu  
de monbalen et de fue francoise seignoure  
sa filhe** outre et par dessus la constitution

.....

doctalle qu( )elle auroict fait a lad(ite) seignoure  
sa filhe par le contract de leur mariage  
avec led(it) gourmanel la somme de cinq  
sols t(ournoi)z qué véut luy estre payes dans  
l an apres son deces moyenant quoy l( )a faite  
et( )instituee son heretiere particuliere  
a ce qué ne puisse rien plus prethandre  
ny demander sur ses biens et hereditté  
et en tous et chacungz ses autres  
bien meubles et immeubles presans et  
advenir ou que soinct et luy puissent  
appartenir ladite testatrix a faicte instituee  
et de sa propre bouche nommée son  
heretiere universelle et generale  
assavoir est **anthoinette seignoure  
sa filhe** aussy legitime et naturelle  
**et dud(it) feu gabriel femme de joseph  
falguiere paigneur de laine** de ceste ville  
pour par icelle soudain apres son deces  
en jouir faire et disposér a ses plaisirs  
et volontés sauf et excepté s(e)ullemant  
de la maison qu( )elle habite presentemant  
la jouissance et( )dem(e)ure de laquelle ladite

.....

Cxxix

testatrix donne et legue au susdict  
joseph falguieré son gendre et cé en  
recompence dés bons et agreables services  
qu( )elle a( )receus et recoict journallemant  
de sesd(its) filhe et gendre et tel a dict  
ladite testatrix estre son testamant que  
veut que vailhe et soict valable par  
droict de testamant ou de codicille ou de  
donna(ti)on faite a cause de mort ou disposi(ti)on  
de derniere volonté et par toute autre  
meilheure voye que de droict pourra  
valloir revocquant et annullant tous  
testamans donations a cause de mort  
et autres dispositions qu( )elle pourroit  
avoir sy devant faites et( )nommemant  
le **testamant** qu( )elle auroict faict le  
**vingtiesme** du mois d **avril mil six**

**cens cinquante huit retenu par  
moy notaire** voulant que le presant soit  
son vray et unique testamant et  
asfin qu( )il soict d autant plus esficace  
et( )ne puisse estre revocqué en doubte

.....  
a( )priés les tesmoingz sy apres nommes  
par elle faitz appeller et recognus l( )un  
apres l( )autre d estre memoratif de ceste  
sienne volonté et( )presante disposition et  
requis moy dict notaire d en rettenir instrumant  
ce qu( )ay fait en presence de pierre  
belluc, francois pecholiér louis janin  
marchans jean blanc dict tontou puisnay  
batellier vidal redon voiturier  
gabriel malpel pra(tici)en et alexis richard  
de villemur dont lesd(its) belluc pechullier  
janin malpel et richard ont signé avec  
moy notaire la testatrix et les autres  
tesmoings ont dict ne sçavoir

r.

Pecholiér

P. Belluc

A. Richard

Janin

Malpel

Custos, not(air)e r(oyal)